

Pemeriksaan di Singapura diperketat ekoran serangan berdarah di Istanbul
Free Malaysia Today
Jun 30, 2016

Serangan itu ialah peringatan ngeri tentang realiti penganasan yang mengancam dunia, kata perdana menteri republik itu.

SINGAPURA: Susulan serangan di Lapangan Terbang Antarabangsa Ataturk pada malam Selasa lalu, pemimpin Singapura menggesa rakyatnya berjaga-jaga.

Perdana Menteri Lee Hsien Loong berkata serangan itu ialah peringatan ngeri tentang realiti penganasan yang mengancam dunia, lapor Mediacorp.

“Singapura mesti sentiasa berjaga-jaga dengan memikirkan persoalannya adalah bila dan bukan jika serangan sebegitu berlaku di negara kita,” katanya menerusi satu catatan di Facebook petang semalam.

Menteri Pembangunan Negara Lawrence Wong pula berkata serangan sebegitu boleh berlaku di mana-mana saja termasuk Singapura.

“Kita tidak boleh ambil sambil lewa dan terus berjaga-jaga pada setiap masa,” katanya.

Sementara itu, pemeriksaan dan rondaan di pusat pemeriksaan udara, darat dan laut serta terminal pengangkutan penting di Singapura dipertingkatkan susulan serangan di Istanbul semalam, menurut Kementerian Ehwat Dalam Negeri (MHA) republik itu.

Mediacorp melaporkan MHA berkata pihaknya akan menyelaraskan pendekatan keselamatan ancaman sekitar tetapi ti

Menjawab soalan media, jurucakap MHA berkata: “Kami akan menyelaraskan pendekatan keselamatan menurut ancaman sekitaran.”

Serangan di lapangan terbang itu meragut sekurang-kurangnya 41 nyawa dan mencederakan lebih 200 yang lain.

Copyright (C) 2009-2016 MToday News Sdn. Bhd. All Rights Reserved.

Source:

<http://www.freemalaysiatoday.com/category/bahasa/2016/06/30/pemeriksaan-di-singapura-diperketat-ekoran-serangan-berdarah-di-istanbul/>